

Sarajevo,
Broj:

26-06-2019
07-03-32292

Na osnovu člana 18. Stav (1) i člana 100. Stav 3. Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu (u daljem tekstu KCUS) , a po konkuretskom zahtjevu javne nabavke Generalna direktorica donijela je,

ODLUKU

poništenju i ponovnom pokretanju postupka javne nabavke
za izbor najpovoljnijeg ponuđača za "Nabavku klima uređaja
za potrebe održavanja aparata koji zahtjevaju hlađenje"

I

1. Žalba naš broj: 11-04-31283 od 20.06.2019.godine, izjavljena od strane ponuđača „**IMTEC**“ d.o.o. Sarajevo na Odluku o izboru najpovoljnijeg ponuđača za nabavku klima uređaja za potrebe održavanja aparata koji zahtjevaju hlađenje br.02-03-30036 od 14.06.2019.godine, pokrenut putem konkuretskog zahtjeva, objavljenog dana 23.05.2019.godine na portalu e-nabavke sa obavještenjem o nabavci br. 893-7-1-327-3-212/19, i ispravke tenderske dokumentacije od 28.05.2019.godine, **usvaja se kao djelimično osnovana.**
2. **Poništava se postupak javne nabavke** Odluka o izboru najpovoljnijeg ponuđača br.02-03-30036 od 14.06.2019.godine i tenderska dokumentacija br. 02-03-26064-1 od 23.05.2019.godine za " Nabavku klima uređaja za potrebe održavanja aparata koji zahtjevaju hlađenje objavljena" dana 23.05.2019.godine na portalu e-nabavke pod br. 893-7-1-327-3-212/19 i ispravka tenderske dokumentacije objavljena na portalu e-nabavke od 28.05.2019.godine.

U skladu sa Planom javnih nabavki za 2019.god. pod klasifikacijom "Robe" br.40 (Odluka o usvajanju Plana javnih nabavki KCU Sarajevo za 2019.godinu broj: 02-01-18632 od 09.04.2019. godine), ovom Odlukom odobrava se **ponovno pokretanje postupka javne nabavke.**
3. Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima u postupku javne nabavke.

OBRAZLOŽENJE

Prije nego se upustio u meritorno odlučivanje o navedenoj žalbi u skladu sa članom 100. Zakona o javnim nabavkama („Službeni glasnik BiH“, broj 39/14), KCUS je utvrdio da je žalba, ponuđača "IMTEC" d.o.o. Sarajevo blagovremena, dopuštena i izjavljena od ovlaštenog lica, te da ista ispunjava uslove propisane članom 100. stav 3 Zakona o javnim nabavkama BiH („Službeni glasnik BiH“, broj 39/14).

KCUS pokrenuo je postupak javne nabavke za „Nabavku klima uređaja za potrebe održavanja aparata koji zahtjevaju hlađenje“, putem konkuretskog zahtjeva, te je na portalu javnih nabavki objavio obavještenje o nabavci br. 893-7-1-327-3-212/19 od 23.05.2019. godine zajedno sa tenderskom dokumentacijom, objavljenom ispravkom tenderske dokumentacije od 28.05.2019.godine, koja se odnosi na Obrazac za cijenu ponude.

Ponuđač "IMTEC" d.o.o. Sarajevo, izjavio je žalbu na Odluku o izboru najpovoljnijeg ponuđača za nabavku klima uređaja za potrebe održavanja aparata koji zahtjevaju hlađenje br.02-03-30036 od 14.06.2019.godine, kojom navodi da ugovorni organ nije izmjenio tendersku dokumentaciju, a što nije tačno jer je ugovorni organ izvršio izmjenu tenderske dokumentacije 28.05.2019.godine koju je objavio na portalu e-nabavke, a koju ponuđač IMTEC d.o.o. nije preuzeo sa portala, pa je ovaj žalbeni navod neosnovan.

[Handwritten signature]

- Dalji žalbeni navodi žalioca uglavnom se odnose na tendersku dokumentaciju i neosnovani su jer je ponuđač propustio rok u kojem se žalba podnosi na tendersku dokumentaciju.

Žalbeni navod žalioca da Zapisnik sa otvaranja ponuda broj: 03-06-28346 od 05.06.2019.godine nije dobio u zakonskom roku od 3 (tri) dana i predlaže da KCUS poništi u cijelosti postupaka javne nabavke br. 893-7-1-327-3-212/19 je osnovan, jer ugovorni organ nije u mogućnosti dokazati da je isti zaprimio žalilac.

Zapisnik sa otvaranja ponuda br.03-06-28376 od 05.06.2019.godine ugovorni organ je putem faksa dostavio ponuđačima učesnicima postupka javne nabavke, a žalilac je jedini ponuđač u postupku, koji je 11.06.2019.godine pismenim putem obavijestio ugovorni organ da nije zaprimio zapisnik sa otvaranja ponuda te mu je isti ponovno dostavljen.

Uvidom u žalbene navode, te analizom svakog pojedinačnog žalbenog navoda i njihovu međusobnu povezanost, utvrđeno je da žalbu treba djelimično usvojiti i ponoviti postupak javne nabavke, a što se čini Ovom Odlukom.

Imajući u vidu naprijed navedeno odlučeno je kao u izreci ove Odluke.



GENERALNA DIREKTORICA

Prof.dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke u skladu sa članom 99-101 Zakona o javnim nabavkama. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehničkom sektoru;
- a/a KCUS-a